



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Philetærus Conf. 30. Decembris.

urn:nbn:de:hbz:466:1-44055

632 VITÆ SANCTORVM. 30. Dec.
assem in miseros ipse dispensaret. Funeri dum il-
lacrimatur in sacris Diaconus, morique etiam
ipse exoptat, voti damnatus unâ tumultatur, anno
D.XC. Ex Surio.

*Felicitas magna Christianorum, quibus datum est,
ut paupertatem faciant pretium calorum. Non tibi
displiceat paupertas tua; nihil eâ potest ditius inveniri.
Vis nosse quàm locuples sit? calum emit. Quibus the-
sauris conferri potest, quod videmus paupertati indul-
tum? S. August. serm. 28. de verb. Apost.*

S. PHILETÆRUS CONF.

30. Decembris.

MIrentur alii in PHILETÆRO PROCOS. Nico-
mediæ filio illustre formæ decus, quo illum
ævo suo Diis parem homines fecerunt; ego in
pulcherrimo corpore pulchriorem animum de-
miror exosculatorque; & hoc amplius, quòd animi
æstimator ipse egregius, nihili membrorum de-
corem fecit, omnibusque tormentis præbuit la-
cerandum. Primum Diocletianum vicit, qui cum
blasphemus Christum incesset, vindex divini
honoris PHILETÆRVS, terram calosque ad iras
movit. In fornacem deinde succensam injectus,
se ipso pulchrior egressus est. Jam sub Maximia-
no virgis uncisque sædum in modum acceptus,
omnium tamen in se oculos Superùm rapuit, &
tum denique his formosus est visus. Ferae sive for-
mâ & ipsæ, sive fortitudine adolescentis captæ,
ad pedes se abjecerunt victoris; feras verò cum
duo homines induissent, gladioque Martyri im-
minerent, in loco obriguere. Ultimò cum virtus
hæc oculos jam tyranni etiam perstringeret, exu-
lare iussa est. Et ecce de viâ morbi dæmonesque
mali

mali cedere, pedibus Dii se & tēpla sua substernere: quibus permotus Comes cum VI. militibus fidem nostram est amplexus. PHILETÆRVVS cūm Eubiotum virum sanctitatis famā celeberrimum adiret, monitus hic ab Angelo bono obviam Martyri progressus est. In ejus antro Divum septimo die, socios verò duodecimo, ab exilio mors absolvit. *Ex Mensis.*

Quere tuum bonum. Nemo bonus nisi unus Deus: summum bonum hoc est bonum tuum. Pecori quid bonum est, nisi implere ventrem, dormire, gestire? Tale tu bonum quaris? Coheres Christi quid gaudes, quia socius es pecorum? S. August. in Psal. 102.

S. SILVESTER PAPA.

31. Decembris.

Patria SILVESTRO Roma, Romæ, hoc est, patriæ, pater ipse SILVESTER fuit. Hoc tamen orbare Romam Urbis probrum Tarquinius voluit. Sed SILVESTER ad tribunal citatus, novo more mortē judici reus indixit. Dictum, factum. Piscem dum cœnat, os fortè ex hoc gutture receptum Tarquinius hamum mortis esse sentit. Post hæc dum Constantinus remissius rem Christianam curat, & sopitæ nuper iterum in pios persecutiones recrudescunt, exul SILVESTER montem Soracten insidet; impietatis fœditatem, ut videret Imperator, leprâ inficitur. Sacrificuli, lepram ut abluat, balneas è parvulorum sanguine suadent. Ingemuere ad consilium impium omnes Romanæ matres, cūm audirent sanguini, quo vel manum aspergere scelus semper non expiandum habitum est, totum velle Imperatorem innatare; certè innatare rectius tot matrum lacrimis